

Kálaad Pwôl nyə á cilə buud ó Ifêz yé Isâ í dúgyá nə kálaad mə Pwôl shú Ifêz yí

Pwôl nyə á cilə bóól ókálaad a njúl mímbwugud, bwé dɛ jôw ókálaad bɔɔŋg nə «ókálaad ɔ mwâ mimbwug». Bɛ́ɛlə sâ jísé Ifz 3.1 nə 4.1 dí yí, í ngə nyîn nə kálaad á buud ó Ifêz jisə cínəŋgú mbwoomb «ókálaad ɔ mwâ mimbwug» dí, bənôn nyɔɔŋg á buud ó Filipî, nə á buud ó Kolósia, nə nyɔɔŋg nyə á cilə Fəlmôn yé.

Minjígúla mísé kálaad wɔɔŋg dí myá mí ngə nyîn nda sâ má cí nə Pwôl nyə a shígé cilə nyə nji shú Dɔ ngwûd. Shug lá mínjígúla myɔɔŋg wé yuug á kandugə kandugə Zembî nyə á yágulə yí; yuug nə á sheŋg ísâ yâ jon nə ya shí byêsh Krîst dí shí məkuú (1.10). Pwôl nyə á ka kaaw njígúla wɔɔŋgú mənkwə məbá.

(1) Nkwə áshúshwóógú í ngə lwó nə Zembî nyə á sheŋg Oyúden bənôn ikûl ishús, a sá nə bwé bág kûl ngwûd kwon mə Krîst dí (1.3–3.21).

(2) Nkwə ábɛé í ngə lwó nə obúgula bêsh bwé jəlá nə cugə cug á bálə seŋgyá kûl ngwûd, nəcé bêsh bwé músə buud ɔ Yésus-Krîst (4.1–6.20).

Məbádá

¹ Mə Pwôl, muud Zembî nyə a féesh nə mə bág *muud lwámá mə Yésus-Krîst yé, má cilə bí mɛnkɛŋkɛ mí búúd ó Yésus-Krîst, buud ó abúgúlag.

² Sóóŋgú wúsú Zembî bá Cwámba Yésus-Krîst bwé ó sá bí mpaam, bwé ó sá námá ná bi ŋgág nə cugə ná shɛɛ.

Mpaam ántɔ minji

³ Gúmá nə Zembî, Sóóŋgú mə Cwámba wúsú Yésus-Krîst, nyə muud nyə á má bwádan nə sê kwonj mə *Krîst dí, sá sá mənɔwa mâ *shíshim məváál mēsh jonj dí gwôw yé. ⁴ Nyə á bwey féesh sá kwonj mə Krîst dí a nda fwo fwɔ shí nə gwôw. Nyə a féesh sá ná sá bág minjékɛkɛ, kú nə sá á jumúg nyádí míshúd. Ngələ bɛ cɛɛlí nyə á cɛɛl sá yí, ⁵ nyə á bwey bə nə cɛɛlá ná a bá ŋwa sá tɛŋ bwán bɛ kwonj mə Yésus-Krîst dí, váál jɔjɔ yéesh jé í á bə yí. ⁶ Yéesh jé í á bə ntó shú ná sá ságúság məma mpaam nyə á sá sá kwonj mə ábábə yé dí yí.

⁷ Zembî nyə a má yíl sá mánɔmád nəcé məcií má ábábə yé wɔɔŋgú, a má juu sá nə iwushí bísú nyádí kwonj dí, nə ijuugá námá bímbí məma mpáam nyé. ⁸ Zembî nyə a má bul bul sá sá mpaam nyɔɔŋgú, juw sá zhií mə bə nə fɛg nə ikən. ⁹ Nyə a má sá ná sá mpúg jɔjɔ yuug jé nyə á ŋgə baagələ shwoó ná a bá zə sá lúu má Krîst dí yí. ¹⁰ Nyə á ŋgə baagələ yuug jɔɔŋg ná a bá zə casələ gwo mwów mâ məzhúgúlá: í á bə ná a bá sɛɛŋg ísá byēsh yə Krîst ná Krîst nyəməfwó a jwúg nə byo: tɔɔ ísá bísé gwów jonj dí yí, tɔɔ byɔɔŋg bísé wa shí yí.

1:3 2.6; 2Kr 1.3 **1:4** 5.27; Yuá 15.16; 17.24; 2Te 2.13 **1:5** Yuá 1.12 **1:6** Mat 3.17; Rom 5.2; Kol 1.13 **1:7** Zembî nyə a má yíl sá mánɔmád: Kol 1.13-14 məcií: Ifz 2.13; Rom 3.25-26; Kol 1.20; 1Yn 5.7 Zembî nyə a má bul bul sá sá mpaam: Ifz 2.7 **1:9** 1.22; Kol 1.16, 20

¹¹ Zembî nyə a mə ŋwa sá tãŋ kəw* dé lúu má Krîst dî. Nyə a tééd bwey féesh sá námə nda yuug jé í á bwey bæ ná, nyə muud mə dú kyey nə isâ byêsh nda á cêel ná yé. ¹² Nyə á ŋwa sá tãŋ kəw dé shú ná, sá buud sá á tééd fwo bwey kwey bwágə lúu wə Krîst wá, sá dúg ságusə váál á mpíyá nə gúmá yí. ¹³ Nyádi kwon dí wə Zembî nyə á wá bí Nkêŋkê Shíshim nyə á bwey kaag buud yé, nyə á wá bí nyə tãŋ məyigyé mé ja bí á gwág ciyá á búbálé yí, ja bí á gwág Jəjə Lãŋ ŋə cug bí yí, ná ndéé bi mú *búgula nyə yí. ¹⁴ Nyə a wá shé Shíshim yé wəŋg mílámúd tãŋ béén ná a bá yə sá dúsu kəw lú mánywa ja á bá zə mēel yíl kúl búúd jé mányámád yí. Nəcé, nyə á kusə kúl búúd jəŋgú ná í bág də ságusə váál á mpíyá nə gúmá yí.

Məjəgula

¹⁵ Sâ jəŋg wə bí é gwág ná, té mə á gwáduga ná bí ŋə *búgula Cwamba Yésus, bi ŋə námə cēel obúgula bēsh yí, ¹⁶ mə ayówé ŋələ yə Zembî akíba shú dún ja jēsh mə ŋə wá bí məjəgula mām dí yí. ¹⁷ Mə ŋə jəgula ná, Zembî mə Cwamba wúsú Yésus-Krîst, Pəpá á milwanə yóg bí *shíshim á fəg í é lwó bí nyə, sá ná bí mpúg nyə yí; ¹⁸ a wág bí iŋgúnŋəŋ mísh mǎ lámúd, bi mpúg váál bwágə lúu búúd bwə dú bæ nə ndí ja á jəw bwo yí, bí mpu bímbí lú zhwoŋ ijimá ísâ á dú kaaw mĩŋkēŋkē mi búúd myé yí, ¹⁹ nə məma yáág-yáág mísóólúgú á də sá shú sá obúgula myá, mísóólúgú á də sá nə məma ŋkúl nyé ántə minji myá. ²⁰ Məma ŋkúl ántə minji nyəŋg wə nyə á wēef

1:11 1.4; Rom 8.28-29 * **1:11** Bóól bwə ci na ná: «Zembî nyə a mə yə sá dúsu kəw.» **1:13** 4.30; 2Kr 1.22; Kol 1.5 **1:14** 4.30; 2Kr 1.22 **1:16** Kol 1.3 **1:17** 5.17; Mik 2.6; Kol 1.9-10 **1:18** 4.4; Kol 1.12 **1:19** 2Kr 13.4; Kol 2.12 **1:20** Mis 2.33; Kol 3.1

gwúmúshílə *Krîst ná ndeé kə jil nyə nyádí mbwə mənchwûm jon dí gwôw yí. ²¹ Nyə á bân Krîst gwôw a ntə ísâ yâ mæyídúgú† í ngé wá buud mányámád yí, nə byəŋg í ngé lwó buud mpêl yí, nə byəŋg í ngé ntə buud ŋkul yí, nə byəŋg bísá nə icwám̃ba yí; á ntə sâ jêsh jí nə ŋkul gwiidəw jíná təw wa cug ga dí, təw jəŋg cug í ngé zə shwóg yíid. ²² Zembî nyə a má wá ísâ byêsh Krîst dí mányámád, nə ndeé, nda Krîst mæ jwú nə isâ byêsh ná, Zembî mú tâl nyə lúu á *Də lá óbúgula, ²³ Də dəŋgú í njúl nyúúl nyé, í njúl lwándúlá nə nyə, nyə muud ngé lwándulə sâ jêsh kúl jêsh yé.

2

Krîst nyə á zə nə cug

¹ Bi bân, nə iwushí nə *misám bí á də sá myá, mí á sá nə bí bág mimbimbə. ² Bi a wá mænyúúl cug iwushí nə misámúd yág, ŋwa kuú njənd á buud ɔ shí ga, ngə bɛ m̃asa ngé kyey nə lal-lal mójamb m̃íngúlúd yé, nyə *shíshim ngé lwáfulə buud ɔ m̃íngáádá yé. ³ Sə bēsh óga, sə á bə námá gwoong jəŋgúd, cug jísú í á ngə bɛ íyéesh yâ milâm mísú, sə á də sɔ nji nə sə má lwándúlə íyéesh byəŋgú nə bów-bôw mítédúgá myâ cínəŋg; sə á bwey byêl sə njúl námá nda bóól bēsh, sə njúl nji nə Zembî

1:21 6.12; Rom 8.38; Gal 4.8-9; Kol 1.13, 16, 20; 2.9-10, 15, 20

† **1:21** Na jisə wəŋgəles bwə ngé ciy Yūd 1.6 dí wá. **1:22** 1.10; 4.15; 5.23; Sôm 8.7; Kol 1.18; 2.19 **1:23** Də dəŋgú í njúl nyúúl nyé: 2.16; 4.1-16, 25; 5.30; 1Kr 12.4-11, 27; Kol 2.19 í njúl lwándúlá nə nyə: 2.14, 18; 4.1-6; Kol 3.15 lwándulə sâ jêsh kúl jêsh: 3.19; 4.10 **2:1** 2.5 **2:2** 6.12; Yuá 12.31; 14.30; Mís 26.18; 1Yn 2.16 **2:3** 5.6, 8; Rom 1.28; Kol 3.6

gwágúg sá zhwuŋá. ⁴ Nji, Zembî ji bul bæ nâ lâm mácey, nyâ á cɛɛl shé nâ fwámé mæma cɛɛlí. ⁵ Gwá wá í á sá ná, shé buud shé á bæ mimbimbæ nâcé iwushí bíshé wá, nyâ á nyingæ yâ shé cug ja nyâ á gwûmushi *Krîst yí. Mpaam má Zembî wá í á má sá ná bi dúgúg cug. ⁶ Zembî nyâ a gwûmushi shénôŋ Yésus-Krîst, ná ndéé, lúu yé dî, nyâ a má kâ jil shénôŋ gwôw jon dî. ⁷ Nyâ a sá shé bímbí lú mánywa dɔɔŋgá lúu má Yésus-Krîst dí, shú ná a lwó ikala í búúd í é ŋgæ byél yí ná, mpaam á jí nâ ndí yí, í ntɔ sâ shé bâŋ mæ jôw ná mpaam yí. ⁸ Mpugá ná mpaam má Zembî wá í á má sá ná bi dúgúg cug, bi a má ka ntâg bii mpaam nyɔɔŋgá nâ zhií a búgá. Sólúgá wɔɔŋg í cúgé sólúgá wán, jísæ yána má Zembî. ⁹ Shé ádúgɛé cug nâcé fwólæ sá wúl sólúgá, mbô. Muud nda jee ŋkêny nyúul. ¹⁰ Shé búsæ yida bæ sâ Zembî nyáméfwó má shîn lúlæ yí. Nyâ á nyingæ té shé ncuncumbæ lúu má Yésus-Krîst dí, shú ná shé kág sá jɔjɔ mísólúgá nyâ á bwey kwæmusa shé myá.

Kúl búúd má Zembî

¹¹ Bi buud bí á byél yág íkúl ishús dí wá, bi ɔ tédúgá sá bí á dæ bæ yí, ja *Oyúden bwá á dæ ŋwa ná bí cugé nâ ábiwáág yí, í njúl ná bâŋ bwá á bæ nâ nyâ nji mányúúlúd, mæbwá má búúd sálæ. ¹² Bi á dæ bæ, kú nâ wónɔg nâ *Krîst, kú nâ zhií bí má bó búúd ɔ Izuræyêl; bi á dæ bæ ojína, kú nâ kow ísâ Zembî nyâ á

2:4 Rom 8.39; 9.16; Zhk 5.11 **2:5** 2.8; Rom 3.24; 6.13; Kol 2.12-13
2:6 1.3; Kol 2.12; 3.1 **2:7** 1.7; Rom 5.20 **2:8** Mat 20.15; Yuá 4.10; Mis 15.11; Gal 2.16 **2:9** Rom 3.28; 1Kr 1.31; 2Tm 1.9; Tit 3.5
2:10 Tit 2.14 **2:11** Rom 11.17 **2:11** 5.8 ábiwáág; Gal 5.6; Flp 3.3 **2:12** Rom 9.4; 1Kr 15.19; Kol 1.21-22; 1Te 4.13 ojína, kú nâ kow ísâ Zembî nyâ á dæ kaag buud ɔ ísq bé yíid: 2.19

du kaag buud o ísɔ bé yííd, ngə cugə kú nə bwágó lúu, ngə cugə kú nə wónǵó nə Zembî. ¹³ Ká ja gaád íí, bí buud bí á du bə Zembî shwóg-shwóg wá, məcíí má Kríst má á má sá ná bi bág nyə kúná-kúnə, kwonj má Yésus-Kríst dî.

¹⁴ Nyə wá jísə mətəla məsú, nyə muud nyə á sá ná, a ŋwa ká ŋwa ká, a sɛɛŋg yé. Nəcə yánálə nyə á yána nyúúl nyé yí, nyə a caam kóógúlá í á du wá mbéégí mpédúgá Oyúden nə ikûl íshús yí, kóógúlá í á du sá ná bwá dág fiima yí. ¹⁵ Nyə a má yîl mǎmpándí nə ici yâ *mbwoomb məcɛɛ, shú ná mwâ Yúden bá bēsh mwâ ikûl bwá bág mbii múúd agúgwáan ŋgwúd nyádí kwonj dî, bwá cugə mətala dî. ¹⁶ Yǎlə nyə á yə kwolós dí yí, nyə á sá ŋkwambulə mpédúgá bənôŋ Zembî, a sɛɛŋg mwâ Yúden bá mwâ ikûl bwá bə sâ ŋgwúdu, nyə a shínal ifimuga. ¹⁷ Nyə á zə nə məkél zə jaaw bí buud bí á bə shwóg-shwóg nə Zembî wá, jaaw bəɔŋg bwá á bə nyə kúná-kúnə wá ná ifimuga í má shîn. ¹⁸ Nyə wá nyə a má sá ná sá bēsh, nə Oyúden nə ikûl íshús, sá kúmæg wá Dâ nə ŋkul mə Nkɛŋkɛ Shíshim ŋgwúd nə ŋgwûd.

¹⁹ Ná ndɛɛ, bí cugé ná nyiŋgə bə ójínə, ŋkí ntâg mintəbə. Bi músə buud o mpwág má Zembî, námə nda míl mínkɛŋkɛ mi búúd myēsh, bi músə njów búúd má Zembî dî. ²⁰ Bi búsə nda isâ í mǎlwóga bwá ŋgə zə lwô nə ndí lámuga dí gwów yí; lámuga jəɔŋg wá *buud o lwámá nə *buud o mícúndá, Yésus-Kríst

2:13 bí á du bə Zembî shwóg-shwóg: 2.17; 3.6 məcíí: 1.7; Gal 1.4

2:14 mətəla: 2.16; 4.3; Kol 1.20 sɛɛŋg: 1.23; Rom 10.12; 1Kr 12.13;

Gal 3.28 **2:15** 2Kr 5.17; Kol 2.14 **2:16** 1.23; Rom 5.10; Kol

1.20-22 **2:17** Iza 57.18-19; Mis 2.39 **2:18** 3.12; Rom 5.2 **2:19**

2.12; 3.6; Heb 12.22-23 **2:20** Mat 16.18; 1Kr 3.10-11; Mbú 21.14

wá jísá kwóógú áshúshwóógú í á tééd kə bwamá dí yí.
²¹ Njów wêsh í ka zə ngə lwîny nyádí kwonj dí ka zə
 bə nkênkê Mpáánzá má Cwám̃ba. ²² Nyádí kwonj dí
 wá bí má zə námá ngə bwɔɔda málwɔga dí yé. Bì má
 ngə bwɔɔda málwɔga dí ná ndéé í mú bə njów Zembî
 ngə jil Shíshim yé yí.

3

Krîst jì námá Krîst á ikûl ishús

¹ Gwá wá jí ná, mə Pwôl, mə muud jí mímbwug dí
 nəcə ngələ sêy nə *Krîst Yésus shú dún, bí ikûl ishús
 yé, má du jəgula nə Zembî shú dún. ² Bì a má jəlá
 nə jee gwág váál Zembî ngə kyey nə mpaam nyé yí,
 ná nyə á ŋwa mə wá nyádí mísóólágúd, a yə mə iséy
 ná mə sáág shú dún. ³ Zembî wá nyə a bágulə mə
 *ndím̃ba má má ndəm cilə bí nì. ⁴ Ja bí é ngə lɔ kálaad
 éga yí, biméfwó bí é jee dúg váál má má mpu ndím̃ba
 má Krîst yí. ⁵ Zembî nyə a shígé fwo lwó íkala í búúd
 í ayág ndím̃ba wəɔŋgú nda á má ka sá ja gaád ná.
 A má sá ná Nkênkê Shíshim zág wééshuli nyə, lwó
 mínkênkê mí *búúd ɔ lwámá nə *buud ɔ mícúndá.
⁶ A má lwó bwo ná, ja búúd ɔ íkûl ishús bwé má
 magulə Jɔjɔ Lán yí, bənôn bēsh *Oyúden bwé músə
 námá nə kəw ngwúd mísh má Zembî dí, bənón bēsh
 bwé músə íkûl í nyúul ngwûd; ŋkaagə Zembî nyə á
 kaag lúu má Krîst Yésus dí yí, í dúgyá námá nə bwo
 bēsh.

2:21 1Kr 3.16 **2:22** 1Pr 2.5 **3:1** Kol 1.25 **3:1** mə muud jí
 mímbwug dí: 4.1; Flp 1.7; Kol 4.18; Flm 1, 9 **3:3** 3.6 **3:4** Rom
 16.24; 2Kr 11.6 **3:5** Kol 1.26 **3:6** ndím̃ba: 1.9-10; 2.13-14, 18-19;
 3.9-11; Rom 16.25; Kol 1.26-27

⁷ Jəjə Lān wəəŋg wə Zembî nyə a sá mə mpaam, wəef ŋkûl nyé, ŋwa mə íséyúd ná mə kyéyug nə ndí yí. ⁸ Mə muud mə búl bə kú nə mfií mĩŋkəŋkə mĩ búúd myêsh dí yé, Zembî nyə a sá mə mpaam ná mə zég jaaw íkûl ishús tâŋ jəjə məkál ná, Kríst ŋgə sá buud mbii mánywa múúd cúgə nə ŋkul shwánzələ má. ⁹ Mə jaaw bwo məkál, mə bágələ bwo ndímba: ndímba Zembî nyáméfwó muud nyə á té isá byêsh nyə á də baagələ shwoó dí kwóm kwóm yí. ¹⁰ Nyə a sá ná mə zég bágələ búbélé wəəŋg shú ná *Də lú óbúgəla í lwóg váál Zembî jí nə fəg ísá byêsh dí yí, ísá yá jon, byəəŋg í ŋgə wá buud mányámád yí, nə byəəŋg í ŋgə lwó buud mpəl yí í mpúg. ¹¹ Zembî nyə á bwey bə nə yuug jé á kandəgə kandəgə shú ísá íni byêsh, nyə á má ka zə sá sósólágú kwon mə Cwám̃ba wúsú Yésus-Kríst dí. ¹² Sə músə nə ŋkul jee kumə wə Zembî kú zhízhigə, nəcé sá mú búúd ó Kríst, sá ŋgə ntəg *búgəla nyə. ¹³ Mə ka ŋgə ci ná, bí tɛem dúg nda mə ŋgə bwəma nə *incwaw í ntəg shú dán éga, bí kú wá mányúúl íŋkúŋkwon dī; incwaw í ntəg íga í bá shúgəla bí sá gúmá.

Cɛlí má Kríst

¹⁴ Gwə wə jí ná, mə ŋgə kúd Dā məbwón, ¹⁵ nyə muud nyə á gwiid* minjów mí búúd myêsh mínə, təw mya wa shí, təw mya jon dí yé, ¹⁶ mə ŋgə jəgəla nə nyə ná, nda nywáá jí nə yáág-yáág mĩlwanə ná, a sáág ná Nkəŋkə Shíshim yé wáág bí məma mpífə

3:8 búl bə kú nə mfií: 1Kr 15.8-10; Gal 1.13-16; Flp 3.6-8; 1Tm 1.12-16 **3:9** 1.4 **3:10** 1.21, 23 **3:12** Rom 5.2; Heb 4.16; 10.19 **3:13** Kol 1.24 **3:14** 6.18-19 * **3:15** Bóól bwə ci ná gwiid ní mə ká ná «nyə wə nyə a tɛ». **3:16** Kol 1.11

mílâm dí cwû, lûlûshi bî. ¹⁷ Mə ɲgə námá jəgula ná, nda bi ɲgó *búgula nyə ná, a sáág ná *Kríst zág ji bí mílámúd, bi nádag nə cɛlí, bi ɲgó magulə nji sâ í zə nywadulə cɛlí yí, ¹⁸ shú ná bi bág nə ɲkul ná, binôɲ míl mɪŋkɛŋkɛ mi búúd myêsh bí wámbúlég bímbí cɛlí má Kríst í bwáag yí, nə bímbí í gwáá yí, nə bímbí jí nə cé kələ gwów yí, nə bímbí jísə nə gwaála shí yí. ¹⁹ Bi bág námá nə ɲkul mə mpú cɛlí má Kríst í ɲgó ná ntə sə fɛg ni, shú ná mílâm mí lwándúg bí nə fɛg nə cɛlí ná cwós námá nda Zembî jí lwándúlá ná.

²⁰ Zembî muud jí nə ɲkul bul sá sə mənɲwa ntə bímbí sə má gwáámɲ nyə yí nə bímbí sə má tédúgá ná nyə e sá yé, nyə muud ɲgó sá ná ɲkul nyé í ɲgág nə sêy sádí ícug dí yé, ²¹ *Də í sáág ná ikala í búúd byêsh í yág nyə gúmá kwon mə Yésus-Kríst dí, kanduga á kanduga. Amen!

4

Nyúul ɲgwûd

¹ Nda jí ntó ná, mə muud jí mimbwug dí nə ɲgələ sêy nə Cwámɲa yé, mə ci náaá, cugəgá mbii cug í mpíyá nə muud mə bii njúwúlú Zembî ɲgó jôw buud yé. ² Ntó ji ná, muud kú bwɛɛ ɲkêny nyúul, dɛ bə nji nə lám ná shɛɛ, kú nə mílámusa, ɲgwól jísow ɲgwól cɛlí. ³ ɲkɛŋkɛ Shíshim mə sɛɲg bí ná bi ɲgág nə cugə búmbə ɲgwúd; buləgá wá ɲkul ná cug búmbə jəɲg í bág kú ntáma; bi ɔ shúgál gwo nə lám mətəla, nəcé lám mətəla wə ɲgó báduga bí búmbə ɲgwúd.

3:17 Yuá 14.23; Ifz 5.2; Kol 1.23; 2.7 **3:18** Kol 2.2 **3:19** 1.23; 5.2, 25; 2Kr 5.14; Kol 2.9-10 **3:20** Kol 1.29 **4:1** 3.1 **4:2** 5.2; Kol 3.12-13 **4:2** Rom 8.13; Gal 6.8; Kol 3.9 **4:3** 2.14-16; Kol 3.14-15

⁴ Bi má jǎlá nǎ cǔgǎ búmbǎ Ǳgwúd nǎcé Zǎmbi nyǎ a jǎw obúgǔla bǎsh ná bwǎ bwándúg bwágǎ lúu Ǳgwúd*; ntó, obúgǔla bǎsh búsa mbwǎǎdá nyúul Ǳgwúd, bwǎ á lǎg Nkǎnkǎ Shíshim Ǳgwúd, ⁵ búsa nǎ Cwámǎ Ǳgwúd, bwǎ Ǳgǎ magǔla minjǎgǔlǎ mim-pwú, búsa nǎ nduwán Ǳgwúd†, ⁶ Zǎmbi ji nji Ǳgwúd, á ji SǎǎǱǎ á shé bǎsh yé; nyǎ wǎ má jwú nǎ shé bǎsh, á dǎ balan nǎ shé bǎsh shú sǎlǎ ísǎy byé, a jisǎ shé bǎsh dǎ.

⁷ Nji, mbúgǔla yǎsh nyǎ a shí lǎg dé kǎw lǎ yǎna váál *Kǎrist nyǎ á yigǔla nyǎ dwo mpǎam dí yí. ⁸ Sá jǎǱǱ wǎ ji cilyǎ Kǎlaad Zǎmbi dí nǎ:

Ja nyǎ á kǎ gwǎw yí,
nyǎ á bii mikwám kǎ nǎ ndǎ;
a mú yǎ búúd mǎyǎna.

⁹ Kǎ, ja bwǎ cí ná nyǎ á kǎ gwǎw yí, ntó má kǎ ná ji? NǱaá ntó má kǎ ná nyǎ á fwo tééd shulǎ kǎ shí ga dí shí? ¹⁰ Muud nyǎ á shulǎ yé, nyǎ ná mǎ wǎ nyǎ a bǎd kǎ zhwǎǎǱǱ, cǎ jon lǎ gwǎw dǎsh; í á bǎ ntó shú ná nǎ shí nǎ gwǎw byǎsh í bǎg nji nyǎ nǎ nyǎ. ¹¹ Mǎyǎna nyǎ á Ǳgǎ yǎ buud má má á Ǳgǎ bǎ ná, nyǎ a sǎ ná bǎǎl búúd bwǎ bǎg *buud ǎ lwámǎ, bǎǎl *buud ǎ mícúndǎ, bǎǎl obwiǱǱyǎ ǎ lâǱ, bǎǎl obaagǔlǎ ó gwoǱǱ nǎ oyǱǱǱ. ¹² Nyǎ a sǎ ntó shú ná minjǎnkǎ mi búúd mí bǎg fwámé Ǳkwǎmǎsǎ má sǎ ísǎy, ǱǱǎlǎ sǎ ná nyúul má Kǎrist, *Dǎ lǎ obúgǔla í lǎlǱ. ¹³ Bwǎ sǎǎg ísǎy byǎǱǱ ná ndǎé kǎ wǎǎs ná

4:4 1.23; 2.18 * **4:4** bwágǎ lúu: Ná «bwǎ bá bǎ nǎ cǔgǎ á kandǱǱ kandǱǱ». **4:5** Yuǎ 10.16; 1Kr 8.6 nduwán: Mat 28.19; Rom 6.3-4

† **4:5** nduwán Ǳgwúd: Bwǎ á Ǳgǎ duwan shú má CǱgye Ǳgwúd. **4:6** 1Kr 12.6 **4:7** Rom 12.3, 6; 1Kr 12.11 **4:8** Sǎm 68.19 **4:9** Yuǎ 3.13 **4:10** 1.23 **4:11** 1Kr 12.28 **4:12** 1Kr 14.26 **4:13** Kol 1.28

shé bēsh shé má bá bə nə váál búgá ɲgwûd, shé bēsh mpu *Mwân má Zembî váál ɲgwûd, shé bēsh fifə námə bímbí Kríst mə fifə yí.

¹⁴ Í bág ntó shú ná sá nda ná nyingə bə íkúkágá, sá nda nyingə dɛ ɲgə yángula nda ifúlá í íntál í dɛ yángula ɲgwɔ́ ɲə ɲgwɔ́ ná; nda ná nyingə dɛ ɲgə bɛ ɲíígúlá wêsh í wóós yí, buud bwá á má kú nə dúlə kúl bóól íbíd wá bwá nda ná nyingə nyúg sê.

¹⁵ Sá mú bá yida dɛ jaaw óbúbálé nə lâm cɛlí, sá ka ɲgə wíy məzhií mēsh ɲgə bə nda Kríst muud jí lúu yé. ¹⁶ Nəcə nyə Kríst wə ɲgə sá ná Dɔ dēsh ncindí í bág fwámé téégyá nda nyúúl muud, kúl nyúúl jēsh jé jiya dí, misəsagə myâ məbwɔ́ mə nyúúl ka ɲgə laad byo. Dɔ ka bə ntó, kúl nyúúl jēsh ɲgə séy váál í jí yí, nyúúl nyēsh ka ɲgə wíy nə cɛlí.

Kuú njɔnd ágúgwáan

¹⁷ Mə ka ɲgə cɛl lás fwámé lás Cwámɓa ɲgə mpu, ɲgə ci nááá: kúgá ná ɲgə kyey kuú njɔnd óhááɗen; bwá ɲgə sá isâ nə milúu myán, milúu ka ɲgə zhíɲg bwo ntó kú nə wímbúlé. ¹⁸ Milúu mí á má shila† bwo, bwá cúgé nə ɲkɔw cɛg Zembî nyə a má yə búúd yííd nəcé shúg dúsá bwo mílúúd yí nə bimbúlálə mílâm mí á má bimbula bwo yí. ¹⁹ Milâm mí músə bwo kú ná nə məcəy, bwá á má ka wusə mányúúl ásíy-síy dí, ka ɲgə bɛ misóólúgú mí áɗɗɗanâ məváál mēsh, nə mbɛé ncwanɲgə antɔ minji.

4:14 1Kr 14.20; Heb 5.13-14; Zhk 1.6 **4:15** 5.2 **4:15** 1.22

4:16 1.23; 2.21-22; 4.13, 25; Kol 2.19 **4:17** 5.8; Rom 1.21; 1Pr

1.14 † **4:18** milúu mí á má shila: Ciyá ní jísə námə 2Kr 3.14; í kə ná «milúu mí músə bwo kú ná nyingə dɛ mpu bii isâ, kú mpu faas».

4:19 Kol 3.5

20 Nji bi báá, kéel má *Krîst bí á gwág yí í áshígé jígúli bí ntó. 21 Ngaá ná kéel má Krîst wá bí á gwág yí? Ngaá ná minjígúlá myé bí á ɲwa myá mí á bæ obúbálé wá Yésus? 22 Ká ji? Í jii ná bi myáásug kukwumuga múúd bí á fwo dɛ bæ kuú njɔɔnd ácwúlúd yí, kukwumuga múúd í dá ɲgə yúúd yúúdúg, ɲgólə bɛ məshügá íwímbúg í ɲgə shüg nyə yí. 23 Í jii ná milâm nə milúu mí ɲgág nə nyingə bul bæ bí gúgwáan nə gúgwáan. 24 Í jii ná bi bwáádúg kukwumuga múúd ágúgwáan, kukwumuga Zembî nyə a má sá ná í bág nda nyáméfwó, í ɲgə bɛ otátəlí nə cug mánkúl í ɲgə zhu óbúbálé dí yí.

25 Nda jí ntó ná, myaasugá ijɔɔ. Ná ndéé, muud yêsh má jəlá nə bwiing ɲgwól nji óbúbálé, nəcé shé músə leedyá nda ikúl í nyúul muud. 26 Í ká bæ ná muud má gwág zhwuná, ká bey ná a sáág *sám; a kú ntâg bíd nə jwów í jímág a njúl ná nə zhwuná. 27 Bi kú bæeg yə Njwû məjamb zhií. 28 Muud nyə á dɛ júwo yé yówug júwo; a yídag sêy nə məbwá mé shú ná a bág nə sâ jí nə ɲkul kwíind nyáméfwó, kwíind námə ɲgwól múúd jí nə məyáŋgan yé. 29 Muud kú ná nyingə cúwal ícúwúlí-cúwuli nyádí mpud; ɲkí í jii ná bí lásúg íí, bí ci nji jɔɔɔ íciyá bísə nə ɲkul sá ná muud lálug búgád yí, íciyá bísə nə ɲkul kwíind búúd bwá gwág wá yí. 30 Zembî nyə a wá bí Nkɛŋkê Shíshim tâŋ məyügyé ná á bá yíl bí mányámád. Kúgá sá ná Nkɛŋkê Shíshim wɔɔŋg shúsúlág. 31 Ofimâl, nə dúlə nyada, nə impimbə, nə ozhuyâ, nə *bwaasúlə mpu,

4:23 Rom 12.2 **4:24** Mæt 1.26-27; 2Kr 5.17; Kol 3.10 **4:25** 4.16; Zak 8.16-17; Kol 3.8-9 **4:26** Zhk 1.19-20 **4:28** 1Te 4.11
4:29 5.4; Kol 3.8; 4.6; Zhk 3.10 **4:30** 1.13-14; Iza 63.10; Rom 8.23; Gal 5.25

tɛɛm bə dɔl vʌʌl gwɔlə lʌm dɛsh, byɛsh ɪni ɪ shɪnʉg bɪdɪ ɪcʉg dɪ. ³² Yidagá bə nə osusa, bɪ dɛ gwág búúd bɛsh cɛy lámúd, bɪ dɛ sá ná, ɲgwól juu ɲgwól, ɲgwól juu ɲgwól, námə nda Zembɪ nyə á juu bɪ lúu mə Kríst dɪ ná.

5

Kuú njɔɔnd cɛɛlɪ

¹ Nɲagá bɪ jɪsə bwán Zembɪ mə bɔl cɛɛl wá, ɲgəgá nə sá nda nyə. ² Nɲagá kuú njɔɔnd cɛɛlɪ námə nda *Kríst nyə á cɛɛl sá ná; nyə á cɛɛl sá vʌʌl á nə nyə á kɛɛnzh cʉg jé yə Zembɪ shú dúsá, a bə sá *mɛtúnuga mə anywa mɛcud wə Zembɪ.

³ Bwə nda ná dɛ cwééd bɪ nə jaŋga, nə dɔl vʌʌl mɪsɔ́lúgá mɪ ádɛdaná myɛsh, tɔɔ yéesh mábii. Isá ɪni ɪ ájáláyé nə mɪɲkɛɲkɛ mɪ búúd. ⁴ Kúgá ná nyɲgə dɛ cúwal ɪcúwáli-cúwáli, muud nda ná lás nda a cugé nə lúu, kú sá bów-bów fyanɲa. Ntɔ nyə ájáláyé. Yidagá dɛ lɔ́ mánɲwa Zembɪ ɲgə sá bɪ má. ⁵ Bɪ mə jɛlá nə wámbulə mpu ná, tɔɔ muud jaŋga, ɲkɪ muud jɪ nə cʉg ádɛdaná yé, ɲkɪ ntág muud jɪ nə yéesh mábii yé, ɲgwúd nə ɲgwúd nyə abúɛ bə nə kɔw Faan mə Kríst bá Pɛpá Zembɪ dɪ; yéesh mábii jɪsə dɔl vʌʌl yələ zembɪ áyadúg gúmá.

⁶ Bɪ kú bɪd ná muud zág shɪg bɪ nə mbɛɛ zhizhe kaand. Vʌʌl isá byɔɔɲg wə ɪ dɛ sá ná mpimbə mə Zembɪ ɪ bííg buud ɔ mábún. ⁷ Kúgá dɛ fɛla sámábá

4:32 Mat 6.14; 18.22-35; Kol 3.12-13 **5:1** Mat 5.48; 1Yn 3.1
5:2 3.17-18; 4.2, 15-16; 1Kr 8.1; 2Kr 5.14; Gal 6.10; Flp 2.2; Kol 2.2;
 3.14-15 mɛtúnuga: Gal 1.4; Heb 10.5-10 **5:3** Gal 5.19-21 **5:3**
 Kol 3.5 **5:4** 4.29; Kol 3.8 **5:5** Rom 5.17 **5:6** Rom 1.18; Ifz
 2.3; Kol 2.4, 8; 3.6

nə bwo. ⁸ Yág, bi á bə nə milâm yídúgú nə yídúgú; ká, bi músə nə mənkenya mílámúd ja gaád; ɲwagá kuú njɔond á mənkenya. ⁹ Mənkenya máá má dɛ bə, nə jɔ lām, nə otútəlí, nə obúbálé. ¹⁰ Bi ɔ dɛ sɔ nji sá Zembî mə gwág nywa yí. ¹¹ Kúgá dɛ nyíi misóólúgú myâ məyídúgúd, mí cúgé nə mfií. Yidagá dɛ lwó ná misóólúgú myɔɔɲg mí anywáyé. ¹² Isâ bwé dú ɲgə sá máyídúgúd yí í cúgé sá má dú bwiiɲg, sálə shwôn. ¹³ Ja mənkenya mə mə kwan gúl sá yí, sá jɔɔɲg mú nyîn nda jí ná. ¹⁴ Nəcə mənkenya wé mə dú sá ná sá jêsh nyínúg nda jí ná. Gwé wé bí mə gwág gúl ciyá ná:

Wo muud jí gwád yé, juumág.

Wɔɔlúg wú mímúɲád,

Krîst ka kwan wo.

¹⁵ Bi ɔ mpú dɛ baagəsə kuú njɔond wán ná bi kú ɲgə cugə nda iwagulálə, bi cugəg nda buud bwé mə kyé wá. ¹⁶ Yílúgá fwála míkwmámúd*, bôw mwôw mága. ¹⁷ Ná ndéé, kúgá dɛ wagula, dɛgá mpu wámbulə sá Zembî mə jí yí. ¹⁸ Kúgá dɛ ɲgul ná ndéé shwág, váál ɲguluga dɔɔɲg í dɛ kənd múúd íntíwúlíd. Yidagá dɛ sɔ ná bi lwándúg† nə Nkénkê Shíshim. ¹⁹ Dɛgá sɛy ɔsôm nə mɲɲgwa nə isusa yâ Zembî ja bí mə dú lésa yí; dɛgá ságəsə Cwámba

5:8 yídúgú nə yídúgú: 2.3, 11-12; 4.17-18, 22; Kol 3.7; Tit 3.3 mənkenya: Yuá 8.12; Kol 1.13; 1Pr 2.9 **5:9** Gal 5.22-23 **5:10** Rom 12.2; 1Te 5.22 **5:13** Yuá 3.20-21 **5:14** Iza 26.19; 60.1; Rom 13.11; Zhk 5.8 **5:16** Kol 4.5 * **5:16** Ciyá Pwôl nyə á balan nə ndí na ni, bóól bwé ci gwo ná: «Mpugá balan nə məfwála mə cug».

5:17 1.17; Rom 12.2 **5:18** Mik 23.31-35; Rom 13.13 † **5:18** Na ɲgə cɛɛl ci ná «bi shwágúg nə Nkénkê Shíshim» nda búúd bwé dú shwág nə məlwəg ná. **5:19** Sôm 33.2-3; Kol 3.16-17; Heb 13.15

ísusa dí nà lám wêsh. ²⁰ Dugá lɔ Zembî Sósɔŋgá kwoŋ má Cwám̄ba wúsú Yésus-Krîst dí ja jêsh dí nà sâ jêsh dî. ²¹ Dugá sá mpédúgá nyín nà muud yêsh jweeg lúu magulə nà ɲgwól jwúg nà nyə nəcə gwɔ́ɔlə bí ɲgə gwɔ́ɔ Krîst yí.

Cug á njów bâ

²² Budá o, bídúgá nà ogwúm bún bwá jwúg nà bí váál í jálá nà Cwám̄ba yí. ²³ Nəcə mudúm má jwú nà mudá yé námá nda *Krîst mə jwú nà *Dɔ lú óbúgula ná; Dɔ dɔɔŋgá, nyə á cug dwo, dúsə nyúúl nyé. ²⁴ Ná ndéé, váál Dɔ í ɲgə sá Krîst məgwág yí, ntó námá wá búdá bwá jálá nà sá ógwúm bán məgwág məzhíí mēsh yé.

²⁵ Bi bāŋ ogwúm, cɛɛlɔgá budá bún váál Krîst nyə á cɛɛl Dɔ yí, váál cɛɛlí á nà nyə á kɛɛnzh cug jé shú Dɔ. ²⁶ Nyə a sá ntó nà á gusa dwo nà məjúwó nà ciyá jé shú nà í báɔ ɲkɛŋkɛ Dɔ, ²⁷ í nyínág nyə milwaná mi cúwəla nda mudá, kú nà lág, kú nà mbwad, ɲkí gúl váál sâ ni, ɲi ɲkí ɲkɛ, kú nà sá á jumág. ²⁸ Váál cɛɛlí jɔɔŋg wá ɲgwúm má jálá nà cɛɛl múdá yé yí, cɛɛl nyə tãŋ nyúúl nyé á nyəméfwô. Muud mə cɛɛl múdá yé yé, á cɛɛl nyəméfwô. ²⁹ Muud nyə abwélé mpii nyúúl nyé á nyəméfwô, mbô. Muud yêsh má dɛ wɛil nyúúl nyé, dɛ ɲwa njugú nà nywo námá nda Krîst ɲgə ɲwa njugú nà Dɔ ná, ³⁰ Dɔ dúsə nyúúl nyé yí, sá búsa íkúl ya nyúúl nyé nyɔɔŋg. ³¹ Sâ jɔɔŋg wá jí cilyá

5:21 Kol 3.18–4.1; 1Pr 2.18–3.7; 1Tm 2.1–13; Tit 2.1–10; 1Yn 2.12–17

5:21 1Pr 5.5 **5:22** Kol 3.18; Tit 2.5; 1Pr 3.1 **5:22** 1Kr 14.34–35

5:23 1.22; 1Kr 11.3 **5:25** 1.23; Kol 3.19; 1Pr 3.7 **5:25** 3.19

5:26 gusa dwə nà məjúwó: Rom 6.3–4; Tit 3.5; Heb 10.22 **5:27**

1.4; 2Kr 11.2; Flp 1.10; Kol 1.22 **5:30** 1.23; 1Kr 12.27 **5:31** Mət 2.24

Kálaad Zembî di yí, ná: «Nda mé mé kwambulə bwo ntání ná, mudúm mé bá lúgə sósɔŋgú bá nyɔɔŋgá, a kə leedya nə mudá yé, bá obá bwé mú bə nyúul ɲgwúdu.» ³² Ndímba ni wúsə ayíyáág; mé jaaw bí ná í dúgyá nə Kríst bənôn Dɔ lú óbúgula. ³³ Nji, í dúgyá námá nə bî: muud yêsh céélug mudá yé nda nyəméfwó, mudá yég ɲgwúm yé gúmá.

6

A bwân nə obyɔl

¹ Bwân ɔ, ságá obyɔl bún váál mágwág mé jálá nə Cwám̄ba má, ntó ji tútəlî. ² Nəcə nyúl mpándí í ɲgə ci ná «gúmálúg sósɔŋgú wô bá nyɔɔŋgú wô», mpándí nyɔɔŋg ntâg ɔ í tééd bə nə ɲkaagə, ³ nyísə nə ɲkaagə ná: «Wo dúgúg mánywa, wo cugə kwóm kwóm shí gaád». ⁴ Bi bân obyɔl ntâg íí, kúgá sá nə kuú ɲɔond wún í bág cındal bwán nə bwé dúg sá bí mɪŋgáádá. Yidagá ɲgə wíl bwo, ɲgə lwó bwo cug, ɲgə yə bwo fwámé ɲjígúlá í ɲgə zhu wé Cwám̄ba yí.

A málwaa nə omása

⁵ Yé málwaa, ságá omása bún bā wa shí mágwág; mágwág mɔɔŋg mé dúg bə nə gwɔ́ɔ́gə nə mɛjigawa, nə lâm ɲgwúd, váál mágwág í jálá nə *Kríst yí. ⁶ Í kú ntâg dū bə ɲji bwé mé fwo fála bî, nda sá mé cí ná bí ɲgə sɔ ná buud ɔ bwé gwágúg bí nywa. Dugá sá mágwág mâ ná bi búsə málwaa mé Kríst, bi ɲgə lɛɛl sá sâ Zembî mə jí yí. ⁷ Séyúgá nə bwo váál í ɲgə wú lám dí cwú yí, nda sá mé cí ná bí ɲgə sêy nə Cwám̄ba, kú bə búúd. ⁸ Ngaá bi mə mpú ná tɔɔ lwaá tɔɔ muud

5:32 Mbá 19.7 **6:1** Kol 3.20 **6:2** Mbá 5.16 **6:4** Kol 3.21

6:5 Kol 3.22-25; 1Tm 6.1-2; Tit 2.9-10; 1Pr 2.18-21 **6:6** 1Kr 7.22

6:8 2Kr 5.10; Kol 3.24-25

cúgɛ lwaá yé, muud yêsh mə sá jɔjɔ sósólúgú yé, mə bá ŋwa myéna wó Cwám̄ba? ⁹ Bi bân omása ntâg íí, cugagá nə məlwaa mún váál ŋgwûd dɔɔŋg. Yowugá cwambulá. Ngaá bi mə mpú ná nə məlwaa mún nə bí, Mása wún á binón bēsh ji gwów jonɔd, nyə ádé ntâg baam nə ŋgwól múúd ntɔ ŋgwól?

Lúmbúlí mə mbúgula

¹⁰ Ciyá mə zé jéna ci bí yí jí ná, ŋwagá yáág-yáág ŋkúl mə Cwám̄ba, í lálushig bí nyádí kwoŋ dî. ¹¹ Ŋwagá məkwɔɔ mə dósomb mēsh Zembî mə yé búúd má, bi bág nə ŋkul mə dɔ tál kuú ja Njwû məjamb mə dɔ zé nə zhwog məkén mé zə dɔ cɛɛl nyúg bí yí. ¹² Buud dí sá ŋgá lúmbuli nə ndí wá. Sə ŋgá lúmbuli nə isâ yâ məyídúgú í ŋgá wá buud mányámád yí, nə isâ byēsh í ŋgá lwó buud mpêl yí, nə byɔɔŋg í ŋgá bə nə minkwón wa shí á məyídúgú yí, nə məjamb mäsé gwów jon dí má. ¹³ Gwá wé mə cí ná, ŋwagá məkwɔɔ mə dósomb mēsh Zembî mə yé búúd má, dɔ ji nə ndí, bi bág bə kú fúfug ja məfwála mə bá ŋkangula bí yí, bí lúmbuli nə ndéé ntɔ, bi tál ná shím. ¹⁴ Bi ɔ yím mányúul! Bi ɔ dɔ cugə nji óbúbáléd, óbúbálé bwé bág bí tâŋ nda kandá ízimbi. Bí dɔ námə cugə otútəlí dî, otútəlí bwé bág bí nda wáma íŋkwánz bwé dɔ búdal bəd nə ndí yí. ¹⁵ Ságá nə məkuú mún mə dúg bə kweéshá kélə bwiing Jɔjɔ Lâŋ í dú wá búúd mətala míláméd yí. ¹⁶ Na isâ íni byēsh dí, bí ka námə dɔ bii búgə nda bunú, gwá wé í é dɔ jímə ílá í kuda Múúd Lúmbúlí nyé é dɔ wusə

6:9 Kol 3.25; 4.1; Zhk 2.1 **6:10** Yuá 15.5; 1Kr 16.13 **6:11** 2Kr 10.4; 1Te 5.8; Iza 59.17 **6:11** Zhk 4.7 **6:12** 1.21; 2.2; 1Pr 5.8-9
6:13 Rom 13.12 **6:14** Iza 11.5 **6:15** Iza 52.7; Rom 10.15

bí yí. ¹⁷ Sáǵá ná cug á kandugə kandugə í bág bí nda tûm íŋkwánz zimbi má du búdal lúú nə ndí yí; bí ŋwa Milású mí Zembî, kafwele mə Nkêŋkê Shíshim ó ni. ¹⁸ Nkêŋkê Shíshim dúg yə bí məváál má májəgula mēsh tɔɔ bí təl jáyé cé tɔɔ jáyé, bí du jəgula nə Zembî, du téég nyə məbwə. Bi ɔ yáág ná bi dúg sá sósólúgú wɔɔŋg kú bwelə káád. Bi ó du wá búúd ó Zembî bēsh bídí májəgulad. ¹⁹ Bí du námá wá mə shú ná Zembî wág mə Kéel dé mpu dí, mə dúg jaaw búúd *ndimba á Jɔjɔ Lâŋ ná kpwɔɔ kpwɔɔ, ²⁰ wâm lwámá Zembî nyə á yə mə wá Jɔjɔ Lâŋ, tɛɛm bə ná í má kənd mə mímbwug dí. Dugá wá mə májəgula dí ná mə dúg bwiing Jɔjɔ Lâŋ wɔɔŋg ná kpwɔɔ kpwɔɔ váál í jəla yí.

Məbádá

²¹ Shú ná bi mpúg cé má təl yí nə sâ má ŋǵə sá yí, mwááng Tishík má búl cɛɛl yé, sósol məsáal mə Cwám̄ba, sósol məsáal abúgúlág ŋǵə zə, nyə é zə bá jaaw bi. ²² Mə wá má nti nyə ná a zág jaaw bí nda má jísə ná, a zə wá bí ŋkul mányúúlád.

²³ Zembî Sósŋgú bá Cwám̄ba Yésus-Kríst bwə ó sá ná bí bwááng bēsh bi cágəg ná shee, bwə ó sá námá ná bi cágəg cɛɛlíd nə búgád. ²⁴ Buud bēsh bwə ŋǵə cɛɛl Cwám̄ba Yésus-Kríst nə váál cɛɛlí í cúgé nə ŋkul shîn wá, Zembî kə sá bwo mpaam!

6:17 Iza 40.2; Heb 4.12 **6:18** 3.14; Luk 18.1; Mis 4.29; Rom 15.30; Kol 4.2-4 **6:20** 3.2; 2Kr 5.20; Kol 4.4 **6:21** Tishík: Mis 20.4; Kol 4.7-8; 2Tm 4.12; Tit 3.12 **6:23** bi cágəg ná shee ... bi cágəg cɛɛlíd: 2Kr 13.11 **6:24** Gal 6.18; 1Pr 1.8

Kálaad Zεmbî : Sə́ á Gúgwáan New Testament in Makaa

copyright © 2014 Wycliffe Bible Translators, Inc.

Language: Makaa

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2014, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Makaa

© 2014, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 11 Nov 2022 from source files
dated 29 Jan 2022
d1606f4a-0ada-5be8-9b44-23b40e4b3495